

PREDMET: POZIV NA JAVNU RASPRAVU

Udruženje „Vaša prava BiH“ organizuje Javnu raspravu koja će se održati u **Mostaru, Hotel Bristol**, mala sala, **dana 06.06.2011.godine, ponedjeljak, sa početkom u 12:00 sati** na temu:

„Plaćanje doprinosa nadležnim fondovima/zavodima - preduslov za ostvarivanje osnovnih socijalnih prava“

U proteklom periodu, u Federaciji Bosne i Hercegovine doneseni su propisi kojima je izmijenjen sistem kontrole i naplate doprinosa. Ovo se desilo sa ciljem uspostave sistema efikasnije kontrole te poboljšanja stepena naplate doprinosa, koji je u prethodnom periodu imao određene nedostatke. Krajem 2008. i u 2009. godini uslijedila je zakonodavna inicijativa sa ciljem usaglašavanja jedinstvenog zakonskog okvira koji tretira ovu oblast. Zakonske promjene još uvijek su nepoznanica a njihova primjena u praksi trebala bi ukazati na opravdanost izmjena i unapređenje sistema prikupljanja ovako značajnih prihoda.

Kada je u pitanju uplata doprinosa od strane obveznika uplate, jedna od značajnijih primjedbi koja se odnosila na raniji sistem kontrole i naplate doprinosa, bila je loša uključenost nadležnih nosilaca osiguranja (fondova) i nekoordiniranost sa drugim organima sa ciljem ispunjavanja zakonskih obaveza u segmentu doprinosa i njihove naplate. Posljedica toga je veliki broj osiguranika (zaposlenici, osobe koje koriste prava iz penzijsko-invalidskog osiguranja ili osobe na evidenciji nezaposlenih lica) koji često nisu mogli ostvariti zakonom zagarantovana prava upravo zbog činjenice da doprinosi koje je uplatilac trebao da izvrši nisu bili uplaćeni. Činjenica je da od uplate doprinosa zavisi ostvarivanje određenih socijalnih prava.

Organizovanjem javne rasprave na ovu temu, želimo popularizirati problematiku doprinosa, te ukazati na zakonsku regulativu koja tretira pitanje obveznika uplate doprinosa, visine doprinosa, njihove naplate, kao i pregleda sadašnjeg stanja u segmentu obračuna i naplate doprinosa. Poseban akcenat će biti na nemogućnost ostvarivanja socijalnih prava za one osobe za koje obveznik uplate doprinosa nije uplatio doprinose, kao i na veliki broj pravnih lica koja duguju doprinose i način na koji se problem postojanja duga može efikasno riješiti. Ujedno, cilj je da se kroz debatu evidentiraju pomaci ili nedostaci u zakonskom okviru, primjena zakona, postupanje nadležnih organa, te da se eventualno identifikuju pravne nedosljednosti odnosno proceduralne praznine koje bi trebale biti predmetom zakonske korekcije. Očekujemo učešće predstavnika institucija koje se bave ovom problematikom kao i predstavnika nadležnih zakonodavnih tijela Federacije BiH.

Organizator će učesnicima kojima je potreban osigurati prevoz. Ručak i osvježenje, kao i printani radni materijal, također će biti obezbijedjeni.

Molimo da Vaše učešće potvrdite na broj telefona 036/558-580 ili na e-mail adresu ahmets@vasaprava.org, kao i da naznačite potrebu za organiziranjem prevoza.



Udruženje „Vaša prava BiH“


Emir Prčanović, Izvršni direktor